

以诗会友 | 上期征稿选登 | 题：有一种叫云南的生活

踏莎行·云南作画

张昶昶

云岭村幽，花开平野。风轻云淡宜禾稼。村前村后稻花香，芳菲千里经春夏。

时代新篇，云南作画。寻常百姓春风驾。金楼玉蕊紫云车，流霞色染东篱下。

渔家傲·云岭傣村

闫相达

溪上轻风吹细浪，青山绿水相回望，云影半遮天似掌。人未放，小舟载得清欢畅。

红袖当筵传玉量，金杯潋滟随香撞，醉后归来歌一唱。情惆怅，满身花露沾罗帐。

清平乐·游云南

张璐

泸沽春暖，玉龙晴岚染。四方街市游人赶，苍山古道尽览。

夜阑洱海月残，浪涌推堤星繁。闲煮普洱香散，觅史篇伴水潺。

苏幕遮·树长青

李建

树长青，花永俏。四季春香，翠绿鸣蛩鸟。葱郁葳蕤清水绕。菜果芬芳，旷野轻风早。

露珠飘，云雾袅。犬吠鸡啼，岁岁春城闹。万户千村人马叫。布谷飞时，洱海苍山笑。

佳作欣赏

风入松·春到古滇

阮志强

金沙浩渺彩云悠。水暖波柔。桃红梨白芳菲舞，蜂唤蝶、叶展花羞。宋柏唐梅苍郁，人勤春早田畴。

平湖无浪好观鸥。普洱香幽。碧鸡金马新辉灿，云南醉、何处凝眸。欲问燕莺又止，古滇尽显风流。

南诏德化碑

杨光进

雪隐青山藏史册，云浮瀚海耀华光。千年德化人文萃，百世唐风墨韵长。岁月无声留胜迹，太和城古话沧桑。沉思细雨碑前伫，南诏雄风剑气扬。